



Gabinete Wever - Croes II

ISLA ((•)) NLINE

Diahuebs 24 Februari 2022

Email: IslaOnline@gobierno.aw Tel: 528-4952

NOTICIA DI GOBIERNO



20
22

AÑA DI
INVERSION Y
OPORTUNIDAD



GOBIERNO A REUNI CU EMBAHADOR DI REINO NA BOGOTA Y EMBAHADOR DI COLOMBIA NA DEN HAAG



Awe tabata un dia particular pa motibo cu tabatin un bishita historico. Ernst Noorman embahador di Reino na Bogota y Fernando Antonio Grillo Rubiano Embahador di Colombia na Den Haag, pa prome biaha a dicidi di biaha hunto y bin Aruba y Corsou pa trata diferente tema di importancia.

Conhuntamente cu Prome Minister Evelyn Wever - Croes coleganan Minister Geoffrey Wever y Minister Dangui Oduber, tambe tabata presente den e reunion cu e embahadornan y a trece varios punto padilanti.

Temanan cu a trata ta entre otro: oportunidadnan cu por tin riba tereno economico cu Colombia pa asina por tin mas contacto comercial. Tambe e tema di salud considerando cu Colombia ta un Pais hopi importante pa salud di pashentnan di Aruba. A palabra cu lo sigui amplia e posibilidad pa mas hospital na Colombia por atende pashent di Aruba.


Tambe a trata e tema di imigracion di Venezuela, cu ta un tema cu ta afecta Aruba y Colombia hopi. Lo sondea posibilidadnan con por traha hunto riba esaki, pa e impacto di e crisis migratorio Venezolano, wordo sinti menos aki na Aruba.

Relacion entre Aruba y Colombia

Prome Minister a splica cu tin bon relacion entre Gobierno

di Aruba y Gobierno di Colombia. E ultimo bishita cu tabatin cerca di e Minister President na Colombia, tabata 2 aña pasa net prome cu Covid. Na e ocasion ey, a reconfirma palabracionnan pa sigui traha hunto riba tereno di seguridad, comercial economico y salud.

Pa conclui, Prome Minister a bisa cu e tabatin un hopi bon reunion cu ambos Embahador di Colombia na Den Haag y tambe cu e Embahador di Reino na Bogota, unda cu a haci palabracion (cu lo sigui elabora riba nan), pa crea mas oportunidad y mas posibilidad pa yiunan di tera.





REUNION CU STAKEHOLDERNAN PA E PARADA NACIONAL DI LUZ A TUMA LUGA DEN BON AMBIENTE

E ultimo preparacionnan ta tumando lugha pa e Parada Nacional di luz di diasabra awor. Den cuadro di esaki, ayera Minister di Cultura hunto cu representantenan di Comision Celebracion Dianan Nacional a reuni cu e diferente stakeholdernan pa e parada nacional di luz.

Na e reunion importante aki tabata presente e representantenan di Cuerpo Policial, IMSAN, Cruz Cora, Departamento di Obran Publico y Serlimar.

E reunion a bay den bon ambiente caminda a informa tur stakeholder di e reglanan y a duna informacion riba tur pregunta relaciona cu e parada nacional di luz.

E cayan lo wordo cera pa 6pm y lo tin 125 polis trahando, Serlimar lo pone bari riba full e ruta y nan ta recomenda pa uza cupnan di plastic duro pa asina tin menos desperdicio.

Minister di Cultura Xiomara Maduro a keda hopi satisfecho cu e reunion y a gradici e stakeholdersnan pa nan presencia y nan cooperacion pa e parada nacional di luz.



Departamento di Salud Publico: UPDATE 24 DI FEBRUARI 2022

Segun resumen di awe 7 persona a recupera y un total di 12 caso nobo di COVID-19 a keda registra di cual 2 ta no-residente.
E cifranan aki ta representa un 'Positivity rate' bou di nos residentenan di 20%. E cantidad di casonan activo di COVID-19 pa awe ta 62 y cantidad di fayecidonan relaciona cu COVID-19 ta 211. Datos ta ilustra casonan nobo di COVID cu un averahe

semanal di 12 caso pa dia y un averahe di 'Positivity rate' semanal di 24% pa dia.
Actualmente na Aruba tin 6 persona interna cu of debi na COVID di cual den ICU tin 1 persona y riba piso general tin 5. Na Colombia tin actualmente 5 persona den ICU y ninguno (0) riba piso general.

24/2/2022	TOTAL	RESIDENTE	NO-RESIDENTE
Casonan Nobo	12	10	2
Activo	62	49	13
Recupera	33382	28889	4493
Positivo	33655	29144	4511
Morto	211	206	5
Vacuna	87349	-	-
Hospitalisa AUA	6	-	-
ICU AUA COL	6 1 5	-	-

HABITONAN PA KEDA Saludabel DEN TEMPO DI COVID-19 Y VACUNACION

MINISTERIO DI TURISMO,
SALUBRIDAD PUBLICO
Y DEPORTE

DVG
DIENTE VOLKSGEZONDHEID

Prepara alimento den famia

Involucra bo yiunan den e preparacion di cuminda. Cushina por ta un bunita oportunidad pa comparti y promove habitonan saludabel den famia. Siña bo yiunan e balor nutritivo di cada ingrediente. Mostra nan e manera mas saludabel pa cushina cada producto. Mas bo cushina na cas cuminda nutritivo, mas saludabel bo lo keda. Pa combati COVID-19 bo mester mantene bo salud y vacuna, ya cu ta comproba cu e vacuna tin un efectividad halto pa proteha bo y evita transmision. Ban uza tur e hermentnan cu nos tin pa caba cu e virus aki na nos isla!

Ami Si
ta vacuna!

Mantene 1.5M
minimo di distancia

Laba man
frecuentemente

Uza tapa boca
paden di tur lugar.

VACUNA!

AÑA
20
22

AÑA DI INVERSION Y OPORTUNIDAD

Inversion den bo mes
Inversion den nos economia
Inversion den nos pais

Creando oportunidad pa tur ciudadano!



Gobierno di **Aruba**

| **Aruba mester di nos tur!**

2022 | AÑA DI
INVERSION Y
OPORTUNIDAD

Construi riba bo metanan
y inverti den bo mes y pa bo mes,
ta crea oportunidadnan grandi
pa logra progreso personal
cu lo crea oportunidad pa logra
progreso di bo famia y di bo pais.